



**O'ZBEKISTON RESPUBLIKASI SOG'LIQNI SAQLASH VAZIRLIGI
TOSHKENT TIBBIYOT AKADEMIYASINING
BUYRUG'I**

2017 yil " 8 " апрел

№ 188

Toshkent sh.

Битирувчиларнинг Якуний давлат
аттестацияси тўғрисида

Бакалаврият таълим йўналишлари ва магистратура мутахассисликлари битирувчиларининг Якуний давлат аттестацияси синовларига тайёргарлик кўриш, уни ошкора ва адолатли ташкил этиш мақсадида

БУЮРАМАН

1. Бакалаврият таълим йўналишлари ва магистратура мутахассисликлари битирувчиларининг Якуний давлат аттестацияси тўғрисидаги Низом иловага асосан тасдиқлансин;
2. Битирувчиларнинг Якуний давлат аттестацияси ушбу Низом талабаларига мос равишда ташкил этилсин ва ўтказилсин;
3. Битирувчиларнинг Якуний давлат аттестацияси тўғрисидаги Низом барча турдош Олий тиббий таълим муассасаларига етказилсин;
4. Битирувчиларнинг Якуний давлат аттестацияси ташкил этиш масалалари ва уни ўтказиш бўйича тайёргарлик ҳар ўқув йилининг биринчи ярмидан бошланиши таъминлансин;
5. Январ ойидан талабаларга имтихон саволлари ва Якуний давлат аттестацияси ўтказиш тартиби тўғрисидаги маълумотлар етказилсин.

Асос : Ўзбекистон Республикаси олий таълим муассасалари битирувчиларининг якуний давлат аттестацияси тўғрисидаги НИЗОМ (*Ўзбекистон Республикаси Олий ва ўрта махсус таълим вазирининг 2009 йил 22 майдаги 160-сон буйруғи билан ТАСДИҚЛАНГАН*, олий ва ўрта махсус таълим вазирининг 2015 йил 26 октябрдаги 8-2015-сонли буйруғи билан ўзгартиришлар киритилган).

Мазкур буйруқ ижросини назорат қилиш ўқув ишлари проректори Тешаев О.Р. зиммасига юклатилсин.

Ректор

Л.Н. Туйчиев

КИРИТИЛДИ:

Ўқув бўлими мудирлари

Ф.Х. Азизова

Ўқув ишлари проректори

О.Р. Тешаев

КЕЛИШИЛДИ:

Даволаш факультети декани

Б.Т. Холматова

Тиббий педагогика факультети декани

А.А. Хамроев

Тиббий профилактика факультети декани

М.У. Кульманова

Олий маълумотли ҳамширалар

Ш.Х. Бакиева

Малака ошириш факультети декани

А.А. Ирназаров

Хуқуқшунос

А.А. Алимов

Тошкент тиббиёт академияси Илмий
Кенгаши йиғилишида муҳокама
қилинган

«__» _____ 2017 й., баённома №__

“ТАСДИҚЛАЙМАН”

ТТА ректори Туйчиев Л.Н. _____

«__» _____ 2017 й.

**Тошкент тиббиёт академияси
битирувчиларининг якуний давлат аттестацияси тўғрисида
НИЗОМ**

Мазкур Низом Ўзбекистон Республикасининг «Таълим тўғрисида», «Кадрлар тайёрлаш миллий дастури тўғрисида»ги қонунлари ва Ўзбекистон Республикаси олий ва ўрта махсус таълим вазирининг 2009 йил 22 майдаги 160-сон буйруғи (Ўзбекистон Республикаси Адлия вазирлиги томонидан 2009 йил 5 июнда рўйхатдан ўтказилди, рўйхат рақами 1963), 2015 йил 26 октябрдаги 8-2015-сонли буйруқлари (рўйхат рақами 1963-1, 06.11.2015 й.) асосида Олий таълимнинг Давлат таълим стандартига мувофиқ Тошкент тиббиёт академияси битирувчиларининг якуний давлат аттестациясини ўтказиш тартибини белгилайди.

I. Умумий қоидалар

1. Тошкент тиббиёт академияси (кейинги бандларда – академия деб юритилади) битирувчиларининг якуний давлат аттестацияси бакалаврият йўналишлари ва магистратура мутахассисликлари ўқув жараёни жадвалига мувофиқ ўтказилади.

2. Якуний давлат аттестацияси академиядаги ҳар бир таълим йўналиши (мутахассислиги) бўйича ташкил этиладиган якуний давлат аттестация комиссиялари томонидан амалга оширилади.

3. Якуний давлат аттестацияси комиссияларининг асосий вазифалари қуйидагилардан иборат:

битирувчининг билим, малака ва кўникма даражасининг давлат таълим стандартлари талабларига мувофиқ келишини комплекс баҳолаш;

якуний давлат аттестацияси натижалари бўйича битирувчиларга бакалавр (магистр) академик даражасини бериш масаласини ҳал қилиш;

комиссия фаолияти натижаларини таҳлил қилиш ва улар асосида олий маълумотли кадрлар тайёрлашни такомиллаштириш бўйича таклифлар ишлаб чиқиш.

4. Якуний давлат аттестацияси комиссиялари ўз фаолиятларини мазкур Низом ҳамда бакалаврият таълим йўналишлари ва магистратура мутахассисликлари бўйича битирувчиларнинг тайёргарлик даражаси ва таълим мазмунига қўйилган Давлат таълим стандартлари талабларини бажаришга йўналтирилган бошқа ҳужжатларга таянган ҳолда олиб борадилар.

II. Якуний давлат аттестацияси синовлари

5. Якуний давлат аттестацияси таълим йўналиши (мутахассислиги) ўқув режаларига мувофиқ қуйидаги турлардаги бир ёки бир неча аттестация синовларидан иборат:

- ижтимоий фанлар бўйича якуний аттестация синови;
- таълим йўналишлари (мутахассислиги) бўйича фанлараро (интеграл) якуний аттестация синови.
- битирув малакавий иш (магистрлик диссертацияси) ҳимояси.

6. Айрим фан бўйича якуний давлат аттестацияси синови мазкур фаннинг мувофиқ давлат таълим стандартида белгиланган зарурий мазмундан келиб чиққан ҳолда ўқув дастурида назарда тутилган материалларни талаба томонидан ўзлаштирилганлик даражасини аниқлашга йўналтирилган бўлиши керак.

7. Таълим йўналиши (мутахассислиги) бўйича фанлараро якуний аттестация синови айрим фанлар мазмунига қўйиладиган талаблар билан бир қаторда, талаба тайёргарлигининг мазкур йўналиш (мутахассислик) бўйича давлат таълим стандартида битирувчига нисбатан назарда тутилган умумий талабларга ҳам жавоб бера олиш даражасини аниқлашга йўналтирилган бўлиши керак.

8. Якуний давлат аттестациясига албатта битирув малакавий ишнинг (магистрлик диссертацияси) ҳимояси киритилади. Академиядаги таълим йўналишларининг ўқув режасида ма битирув малакавий иши киритилмаганлиги сабабли ушбу синов тури Якуний давлат аттестациясига киритилмаган.

Якуний давлат аттестацияси синовлари ўқув ишлари проректори томонидан тасдиқланган жадвалда кўрсатилган муддатларда ўтказилади. Магистрлик диссертациясини расмий ҳимоя қилиш куни академия ректори (директори)нинг буйруғи билан тасдиқланган жадвал асосида белгиланади.

9. Таянч ОТМ ҳисобланган таълим йўналишлари ва мутахассисликлари учун академия томонидан, турдош йўналишлар бўйича кадрлар тайёрловчи олий таълим муассасалари етакчи профессор-ўқитувчиларини жалб этган ҳолда, якуний давлат аттестацияси синовларининг дастурлари ва академия Илмий кенгаши томонидан тасдиқланади ҳамда тегишли олий таълим муассасаларига белгиланган тартибда етказилади.

III. Якуний давлат аттестация комиссиялари таркиби

10. Якуний давлат аттестацияси комиссиялари раислигига номзодлар академия томонидан тегишли вазирлик ва идоралар билан келишилиб, Олий ва ўрта махсус таълим вазирлигига тасдиқлаш учун тақдим этилади.

11. Якуний давлат аттестацияси комиссияси раислари академиянинг идоравий мансублигидан қатъий назар, ушбу таълим муассасасида ишламаётган олимлар, ишлаб чиқаришнинг етакчи мутахассисларидан Ўзбекистон Республикаси Олий ва ўрта махсус таълим вазирлиги томонидан бир йил (календарь йил) муддатга тасдиқланади.

Бир киши кетма-кет академияда тегишли йўналиш (мутахассислик) бўйича икки мартадан ортиқ якуний давлат аттестацияси комиссиясининг раиси бўлиши мумкин эмас.

12. Академияда Олий ва ўрта махсус таълим вазирлиги томонидан тасдиқланган раислар раҳбарлигида таълим муассасаси ректори буйруғи билан айрим фанлар бўйича якуний аттестация синовлари, таълим йўналиши (мутахассислик) бўйича фанлараро якуний аттестация синовлари ва магистрлик диссертацияси ҳимоясини ўтказиш бўйича якуний давлат аттестацияси комиссиялари таркиби шакллантирилади.

13. Якуний давлат аттестацияси комиссиялари таркиби академиянинг илмий-педагогик кадрлари (аттестация комиссияси умумий таркибининг 50 фоизигача), шунингдек мазкур соҳа кадрларининг истеъмолчилари бўлган корхона, ташкилот ва муассасаларнинг юқори малакали мутахассислари, турдош олий таълим муассасаларининг етакчи профессор-ўқитувчи ва илмий ходимлари, Ўзбекистон Республикаси Фанлар академияси тизимидаги тегишли соҳа олимларидан иборат бўлади.

14. Якуний давлат аттестация комиссиялари таркиби камида 5 нафар профессор-ўқитувчи ва мутахассислардан шакллантирилади. Якуний давлат аттестациясида васийлик кенгаши, фуқароларнинг ўзини ўзи бошқариш органлари ва ота-оналар вакиллари жамоатчилик асосида кузатувчи сифатида қатнашиши мумкин.

15. Якуний аттестация синовлари бўйича якуний давлат аттестацияси комиссияларининг таркиби академия ректори томонидан битирув семестри бошланишидан бир ой олдин тасдиқланади.

Зарурият бўлганда аттестация синовларининг бири бўйича бир нечта якуний давлат аттестация комиссиялари тузилиши мумкин.

Якуний давлат аттестацияси жараёнида Ўзбекистон Республикаси Вазирлар Маҳкамаси ҳузуридаги Давлат тест маркази вакиллари иштирок этишлари мумкин.

Олий таълим муассасаларининг давлат аттестациясидан ўтмаган йўналиш ва мутахассисликлари битирувчиларининг якуний давлат аттестацияси Давлат тест маркази вакиллари иштирокида ўтказилади.

IV. Якуний давлат аттестациясини ўтказиш тартиби

16. Якуний давлат аттестацияси синовлари бошланишидан олдин якуний давлат аттестация комиссияси раислари билан академия ректори шахсан якуний давлат аттестацияси комиссияларининг тайёргарлик даражаси, комиссия раислари ва аъзоларининг вазифалари, битирувчиларга қўйилаётган талаблар, тартиб-интизом тўғрисида семинар-кенгаш ўтказилади.

17. Якуний давлат аттестацияси синовлари ёзма, тест ёки оғзаки усулда ташкил этилади ва ушбу тартиб академия Илмий кенгаши қарори асосида таълим муассасаси ректори томонидан белгиланади ҳамда якуний давлат аттестацияси

бошланишидан олти ой илгари талабалар эътиборига етказилади. Талабалар дастурлар билан таъминланадилар, уларга тайёргарлик кўриш ва маслаҳатлар бериш учун зарур шароитлар яратилади.

18. Якуний давлат аттестациясига тегишли ўқув режа ва фан дастурларини тўлиқ тугатган ва ўқув режасида назарда тутилган барча синовлардан муваффақиятли ўтган талабалар қўйилади.

Ўзбекистон Республикаси олий таълим муассасалари битирувчилари тегишли таълим дастурларини тўлиқ ўзлаштиргандан кейин якуний давлат аттестациясидан ўтишлари мажбурийдир.

19. Якуний давлат аттестацияси синовлари ва магистрлик диссертацияси ҳимояси якуний давлат аттестация комиссияларининг очик мажлисларида, аъзоларнинг камида учдан икки қисми иштирок этган ҳолда ўтказилади.

Академияда мутахассислик бўйича Давлат аттестацияси 2 босқичда ўтказилади:

1-босқич - талабаларнинг назарий билимларини интеграллашган тест усулида назорат қилиш;

2-босқич –талабаларнинг амалий тайёргарлиги ва кўникмаларини объектив тизимлаштирилган клиник имтихон (OSCE) усулида назорат қилиш.

Ҳар бир босқичда 55% дан кам балл тўплаган талаба кейинги босқич синовларига киритилмайди ва Давлат аттестациясидан ўтмаган деб эътироф этилади.

Тест синови тегишли таълим йўналишлари ДТС ва ўқув режасида кўрсатилган барча ихтисослик фанлардан интеграллашган аттестация шаклида ўтказилади.

Давлат аттестациясининг 2-босқичи ўқув режасида кўрсатилган барча ихтисослик фанлардан таълим йўналишлари хусусиятини инобатга олган ҳолда ситуацион масалалар, амалий кўникмалар ёки беморлар курацияси шакллари намоиш этган ОСКИ кўринишида ўтказилади.

Битирувчиларнинг мутахассислик фанлари бўйича якуний баҳоси ҳар бир босқичдан олган балларининг қуйидаги нисбатларида қабул қилинади:

а) таълим йўналишининг ўқув режасидаги барча фанлардан олган балларининг ўртача арифметик қийматидан 20% (0,2 коэффициент);

б) 1-босқич, тест –синови - 20% (0,2 коэффициент);

в) 2-босқич, OSCE - 60% (0,6 коэффициент).

Ўзбекистон тарихи ва миллий истиқлол ғояси: асосий тушунча ва тамойиллар фани бўйича Якуний Давлат аттестацияси Низом талабларига кўра тест, ёзма, оғзаки имтихон ёки бошқа кўринишларда ўтказилиши Илмий кенгаш қарорига асосан белгиланади.

Якуний давлат аттестациясига киритилган барча турдаги аттестация синовлари бўйича ўзлаштириш кўрсаткичи талабалар билимини назорат қилиш ва баҳолашнинг рейтинг тизимига мувофиқ аниқланади ҳамда якуний давлат

аттестацияси комиссиясининг мажлис баёни белгиланган тартибда расмийлаштирилгандан сўнг шу куннинг ўзида эълон қилинади.

20. Якуний давлат аттестация комиссияси битирувчиларнинг якуний давлат аттестацияси синовлари натижалари асосида уларга таълим йўналиши (мутахассислиги) бўйича бакалавр (магистр) даражаси бериш ҳақида қарор қабул қилади.

Якуний давлат аттестация комиссияларининг қарорлари очик овоз бериш йўли билан, мажлисда иштирок этувчиларнинг кўпчилик овози билан қабул қилинади. Овозлар тенг бўлган ҳолда, раиснинг овози ҳал қилувчи ҳисобланади.

21. Академия битирувчиси якуний давлат аттестацияси таркибига киритилган аттестация синовларининг барча турларидан муваффақиятли ўтгандан сўнг унга мувофиқ даража ва олий маълумот тўғрисидаги диплом берилади.

22. Ўқув дастурларини ўзлаштиришда катта ютуқларга эришган ва ўқув режасидаги барча фанларнинг камида 3/4 қисми бўйича 86 балл ва ундан юқори ўзлаштириш кўрсаткичларига эришган, (бошқа фанлар бўйича ўзлаштириш кўрсаткичи 71 баллдан кам бўлмаган), шунингдек, якуний давлат аттестацияси синовлари, 10-семестрдаги “Интеграл ОСКИ” синовлари ва малакавий амалиётнинг ҳар бири бўйича камида 86 балл ўзлаштириш кўрсаткичларига эга бўлган бакалаврият битирувчисига «имтиёзли» диплом берилади.

23. Якуний давлат аттестацияси синовларидан (аттестация синовлари турларининг бири бўйича) ўта олмаган шахс ўқиш муддати тугагандан сўнг, уч йил ичида аризасига мувофиқ тегишли синовни (ўта олмаган аттестация синовларининг ҳар бир тури бўйича бир марта) қайта топшириш ҳуқуқига эга. Бунда академия ректори шахсни якуний давлат аттестацияси синовларини қайта топширишга қўйиш бўйича буйруқ чиқариши лозим.

Муддатли ҳарбий хизматда бўлган вақт, уч ёшга тўлгунга қадар болани парваришлаш учун бериладиган таътил вақти мазкур уч йиллик муддатга кирмайди.

Якуний давлат аттестацияси синовларидан иккинчи марта ҳам ўта олмаган ёки уч йил ичида якуний давлат аттестацияси синовларини қайта топшириш учун мурожаат қилмаган шахсга синовларни қайта топшириш учун рухсат бериш масаласи унинг аризасига мувофиқ Ўзбекистон Республикаси Олий ва ўрта махсус таълим вазирлиги томонидан ҳал этилади.

24. Якуний давлат аттестацияси синовларидан (ёки аттестация синовлари турларидан бири бўйича) қайта ўта олмаган талабага академик маълумотнома берилади ва у ўрнатилган тартибда, тўлов-контракт асосида тегишли курсга ўқиш учун қайта тикланиши мумкин.

25. Айрим фан (ёки фанлараро синовлар) бўйича якуний давлат аттестацияси синовларидаги қониқарсиз кўрсаткич (55 баллдан кам) талабани бошқа фанлар (ёки фанлараро синовлар) бўйича аттестация синовларидан ўтиш ҳуқуқидан маҳрум этмайди.

26. Узрли сабаб билан якуний давлат аттестацияси синовларига келмаган талабалар ректорнинг буйруғи билан якуний давлат аттестация комиссиясининг иши якунланишига қадар бошқа муддатларда ўтказиладиган якуний давлат аттестацияси синовларига киритилиши мумкин.

27. Якуний давлат аттестацияси синовларида олган баҳосига эътироз билдирган битирувчиларнинг аризаларини кўриб чиқиш учун ректор буйруғи билан апелляция комиссияси тузилади.

28. Якуний давлат аттестацияси жараёнида қўйилган баҳодан норози бўлган битирувчилар якуний давлат аттестацияси баҳолари эълон қилинган кундан эътиборан уч кун муддат ичида апелляция комиссиясига мурожаат қилиш ҳуқуқига эгадирлар.

29. Апелляция комиссияси ўз хулосасини битирувчига бир кун муддат ичида маълум қилиши лозим.

30. Якуний давлат аттестацияси комиссиясининг иши бўйича йиллик ҳисобот олий таълим муассасаси Илмий кенгашида кўриб чиқилади. Мазкур Илмий кенгашга якуний давлат аттестацияси комиссиялари раислари таклиф қилинади.

V. Якуний қоидалар

31. Мазкур Низомда белгиланган қоидалар бўйича низолар қонун ҳужжатларига мувофиқ ҳал қилинади.

32. Ушбу Низом Ўзбекистон Республикаси олий ва ўрта махсус таълим вазирининг 2009 йил 22 майдаги 160-сон буйруғи (Ўзбекистон Республикаси Адлия вазирлиги томонидан 2009 йил 5 июнда рўйхатдан ўтказилди, рўйхат рақами 1963), 2015 йил 26 октябрдаги 8-2015-сонли буйруқлари (рўйхат рақами 1963-1, 06.11.2015 й.) билан тасдиқланган “Олий таълим муассасалари битирувчиларининг якуний давлат аттестацияси тўғрисида” НИЗОМ талабларига мос равишда тузилган.